



ԱՄԵՆԱՅՆ ՀԱՅՈՅ ՎԵՀԱՓԱՌ ՀԱՅՐԱՊԵՏԻ
ՆԱՄԱԿԸ ՌՈՒՄԻՆԻԱՅԻ ՊԱՏՐԻԱՐԷ
ԺՈՒՍՏԻՆԻԱՆԻՆ՝ ՌՈՒՄԻՆԻԱՅՈՒՄ ԶՐՀԵՂԵՂԻ
ՀԵՏԵՎԱՆՔՈՎ ՏՈՒԺԱԾՆԵՐԻՆ ՕԳՆԵԼՈՒ
ՄԱՍԻՆ, ԵՎ ՊԱՏԱՍԽԱՆԸ

ՆՈՐԻՆ ՍՐԲՈՒԹՅՈՒՆ ԺՈՒՍՏԻՆԻԱՆԻՆ,
ՊԱՏՐԻԱՐԷՐԻՆ ՌՈՒՄԵՆ ՕՐԹՈԴՈՔՍ ԵԿԵԼԵՑՈՒ

ԲՈՒԽԱՐԵՍՏ

Հոռմ Մեր այցելությունից հետո, երբ գտնվում էինք Ֆրանսիա բաշխելու համար Մեր օրհնությունները հայ եկեղեցիներին ու համայնքներին, սրտի ցավով հետևեցինք տեղական թերթերի լուրերին, որոնք այնքան տխուր տեղեկություններ չին հաղորդում Ռումինիայից իբրև հետևանք աղետալի ողորումներին, որոնք պատճառել էին մարդկային կյանքի գոհեր և նյութական հսկայական վնասներ:

Գուցե ավելի քան երբեք խորապես վշտահարվեցինք Ռումեն հայրենիքի բոլոր զավակների հետ և տևապես Մեր միտքը ողողվում էր դեպի մեր ուումեն եղբայրները և առաջին հերթին դեպի Զերդ Սրբությունը, հոգևոր հայրը բոլոր ուումինացիների:

Մեր հեռագրերը Մարսելից և ապա ս. Էջմիածնից թերևս կարողացան արտահայտել Մեր վիշտը ու ճան Մեր աղոթքը առ բարին Աստված, որպեսզի դադարեն ուումեն ժողովրդի տառապանքները:

Հինգ հազար դոլլարի շատ համեստ գումարը, որ կարողացանք ուղարկել Ձերոյ Սրբության ի նպաստ աղետյալների, գումար, որը գոյացել էր ս. Էջմիածնի համար ֆրանսահայ մեր հավատացյալներից ստացված նվերներից, խնդրում ենք, որ ընդունեք իբրև արտահայտությունը Մեր սիրո զգացումներին և երախտագիտության Ռումեն հայրենիքի հանդեպ:

Հիշյալ գումարը Ձեզ փոխանցվելու է Ժնևից «Union de Banques Suisses»-ի միջոցով: Պիտի խնդրենք, որ բարեհաճեիք կարգադրել գումարի ստացման հաստատումը, փոխանցումից հետո:

Հաստատում ենք Ձերոյ Սրբության հեռագրերը լի եղբայրական ջերմ մաղթանքներով և ազնիվ մտածումներով:

Թող խստադություն լինի աշխարհի վրա և բարի կամեցողություն մարդկանց միջև:

Սիրով ի Քրիստոս

Վ Ա Զ Գ Ե Ն Ա
ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՏ

10-ը հուլիսի 1970 թ..

Ս. Էջմիածնից

ՆՈՐԻՆ ՍՐԲՈՒԹՅՈՒՆ ՊԱՏՐԻԱՐԷ ՎԱԶԳԵՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՏ

Ս. Է Զ Մ Ի Ա Ծ Ի Ն

Ձերոյ Սրբություն,

Սիրելյալ եղբայր ի Քրիստոս, ուրախ ենք Ձեզ հայտնելու, հոգեկան մեծ մխիթարությունը, որ պատճառեցին Մեզ Ձերոյ Սրբության հեռագրերը՝ Մարտելից Ձեր կանոնական ուղևորության ընթացքին արտասահման և ս. Էջմիածնից, ինչպես և Ձեր նամակը 10 հուլիս թվակիր, մեր երկյիթ քնակչության համար ծանր օրերին, աղետալի ողորումների պատճառով, որոնք տեղի ունեցան տարվույս մայիս և հունիս ամիսներին:

«Ռումեն հողի զավակների» վիշտը բաժանելով և Ձերոյ Սրբության ցավակցությունը արտահայտելու ջերմ և հուզիչ խոսքերը, ինչպես և Ձեր «աղոթքը առ բարին Աստված, որպեսզի դադարեն ռումեն ժողովրդի տառապանքները» մի անգամ ևս ապացուցեցին, թե ինչքան ուժեղ են այն թաքուն թելերը, որոնք կապում են Ձեզ ռումեն ժողովրդի հետ, որի ծոցում ծնվել եք, և կազմավորվել է Ձեր ընտիր անձնավորությունը:

Խորապես զգացված հայտնում ենք Ձեզ այս բոլորը և սրտանց շնորհակալություն հայտնում հինգ հազար դոլլարի Ձեր եղբայրական նվիրատվության համար, որ այնքան սիրով ուղարկեցիք Ռումինիայի աղետյալների համար: Այս գումարը, հեռու է «շատ համեստ» լինելուց, ինչպես արտահայտ-

վում է Ձերոց Սրբությունը, Մեզ համար ունի նյութական և խորհրդանշական մեծ կարևորություն, լինելով նվեր Ֆրանսիայի հայ հավատացյալների հիփոստություններից, էջմիածնի նրանց սուրբ տեղի համար, որովհետև հիշում եք անշուշտ ոռոմիական ասացվածքը՝ «Նվերից նվեր՝ լինում է դրախտ»:

Այսու Ձեզ ի գիտություն հայտնում ենք, թե Ձեր հինգ հազար դոլարը, որ ստացվեց Ժնևի «Union de Banques Suisses»-ի միջոցով, չեք թիվ 398888, 7 հուլիս 1970, գանձվեց Մեր հրամանով «Banca Romana de Comerl Exterior ու. 28»-ի կողմից և փոխանցվեց «Ողողումների աղետյալների» թիվ 1000 հաշվին, համաձայն թիվ 234002 ստացագրի 21 հուլիս 1970-ի: Ժնևի «Union de Banques Suisses»-ին Մենք ուղարկեցինք հաստատումը գումարի պաշտոնական ստացման, ստորագրված Մեր կողմից, ապահովագրված նամակով օդային փոստով:

Փակելով Մեր նամակը գոհություն ենք տալիս ողորմած Աստծուն, որ Լի սուրբ նախախնամությամբ, ռումեն ժողովրդի կրած ծանր հարվածը վերածեց մարդկային միասնության սքանչելի մի արտահայտության և քրիստոնեական սիրո ջերմ հորդման, որով Մենք աղոթում ենք, որ Տերը հեռու պահի աշխարհի բոլոր ժողովուրդներին նման քնական և այլ տեսակի աղետներից:

Վերստին ի սրտե շնորհակալություն հայտնելով, Ձեզ ողջունում ենք եղբայրական սիրով ի Բրիստոս Փրկիչը մեր փառավորյալ:

ԺՈՒՍՏԻՆԻԱՆ
ՊԱՏՐԻԱՐԺ ԴՈՒՄԻՆԻԱՅԻ

30-ը հուլիսի 1970 թ.

Քեյթսթեյն

